

Dawz Cihsiz Saedguh Vwnzmingz Seizdaih Moq Haeuj Mbanjyauz

Ndwen 2 ngoenz 5, Hocouh Si Segohlenz、Bazbu Gih Segohlenz bae daengz Budouz Cin Mbanjyauz Vangciz banh aen hozdung gohbuj caeuq gagnyienh saedguh vwnzmingz seizdaih moq. Gij neiyungz cihsiz gohbuj doxdax cawjdaeuz dwg gij cingsaenz Daihcibgouj Gaiq Haj Cung Cienzhohi Aendangj caeuq cauhaeb gij hong minzcuz doxgiet baenaj. Hawj cwngecwz aendangj caeuq guekgya cienz haeuj ndaw vunzbiengz bae, doek gij ceh minzcuz doxgiet haeuj ndawsim vunzlai bae, doidoengh hwnqguh gij cingsaenz vwnzmingz lajmbanj, mboujduenh hawj vunzlai cungj nyinh dwg aen Cunghvaz Minzcuz ndeu.

(Banh Yaujdungh Mungz Cubungz/潘晓东 蒙柱彭)

► Vunzlai Mbanjyauz angq guh doxdax cihsiz gohbuj.



Yougyangh Gih: Loengh Gwn Coux Bi'moq



▲ Gyoengq mehmbwk doxcomz youq giz ndeu guh haeuxfaengx.

Ndwen 2 ngoenz 5, gyoengqvunz Baksak Si Yougyangh Gih Yangzhih Cin Mbanjloefung nyaengq gaj mou gvaqcieng、suek faengx、guh ceiz、nem doiqcieng、venj daeng-loengz. Gyoengqde aeu gij fuengsik cienzdoengj neix ma coux bi'moq, loengh dwk nauhyied oen'oen. Miz beixnuengx baengzyoux youq diegrog guhhong mbouj ma gvaqcieng, ndaw ranz lij geiq gaiqgwn bae, hawj gyoengqde caemh ndaej cimz gij feihdahh ranzmbanj.

(Luz Gez/陆杰)



▲ Bouxrahong cam gij hong dwg baenzlawz yiengh.

“Youq Dangdieg Gvaqcieng” Louz Vunz Caemh Louz Sim

Ndwen 2 ngoenz 3 ngoenz laebcin, Liujcwnz Yen Cungjunghvei banh gij hozdung saedguh vwnz-mingz seizdaih moq, cujiz bouxgagnyienh bae soengq doiqcieng、cih fuk、yawj bingh mbouj aeu ngaenz daengj. Gyoengqde lij caeuq mbangj aen giyez soengq doxgaiq hawj ciz-gungh, bang giyez onjdingh vihhong louz vunz guhhong. Hawj gyoengq cizgungh louz youq dangdieg gvaq-cieng haenx roxnyinh “aen ranzmbanj daihngieh” raeuj dangqmaz.

(Dwng Gwzyi/邓克轶)



▲ Bouxgagnyienh yienhciengz raiz doiqcieng hawj gyoengqvunz.

Vanzgyangh: Seizcin Soengq Vihhong Daengz Bakranz

Mboengqneix, Vanzgyangh Mauz-nanzcuz Swciyen Yinzsegiz、Counieb Fuzvu Cungsim youq ranzmbanj Mauznanz banh bi 2021 “rumzcin hengzdoengh” aen hoih ra vunz guh-hong. “Ranzmbanj hwnghat ndaej engq ndei lo, gou siengj youq henz ranz ra hong guh, couh ndaej goq vunzlaux caeuq lwnyez.” Goenglungz naeuz. Cienz hoih ra vunz guhhong neix gungh miz 2500 lai aen vihhong, yinx gyawj cien vunz daeuj ra hong.

(Veiz Yui Cinz Ligiz/韦睿 覃丽菊)